

四庫全書

集部

欽定四庫全書

集部

御製詩五集卷四十五

欽定四庫全書

御製詩五集卷四十五

古今體一百一首

己酉三

西直門外作

乘時行慶禮胥周

壇祭筵經政合求迺迺村郊觀氣象昨年幸得九分收

上年順天府尹報
秋收九分有餘

石道重修平似掌都人士喜利經行偶思孟子何必曰

那闢乾元亨及貞

按戰國之時人皆尚利孟子道仁義而闢尚利似矣然利在乾元四德之中古聖所言豈可去其一而不用且利亦自有公有私蓋利已為私利人為公王云何以利吾國是利人之公也而劈面折之曰何必曰利亦非君子相見和顏悅色從容中道之理也程子以為救弊之論司馬光以為以辯勝人蓋有所見矣因詩中用利字故申其說如此

養心殿齋居

郊祭御齋宮餘非遷坐躬

每歲

祈穀

常雩

南郊三大祀外凡遇祭祀

皆在養心殿致齋雖不御齋宮而儼恪之忱則無異也

肅儀雖有別致敬本來同

勅命勵無逸祈年籲屢豐底知春意發梅朶亞盆融

詠周玉饗饗尊

尊稱饗饗西清圖銅既有之玉豈殊戒貪喻象垂嘉謨

他山良質加追磨

叶

千年土蝕暈模糊絳雲容容護體

膚偶閱舊器缶盈乎多年闕詠誠為疎題句遂以心惕

吾所戒寧惟飲食乎即今海寓歸皇輿持盈保泰敬畏俱遑敢他願止足無齋名戒得斯意叻

題明人名蹟四軸

古木槎枒峯匝寒泉飛落白雲涯屢屨坐待抱琴至攫醕欲為一寫之

右文徵明古木寒泉

崇山不藉白雲高

畫山者率藉雲氣以為高遠而此不然是沈老別開生面處

修竹

清溪護野臯設擬蘭亭修楔事右軍筆陣孰能操

右沈周崇山修竹

太湖三萬六千頃卷石夫椒中卜居茅屋煙波足娛老

用圖中唐
寅自識意秋風底用憶蓴魚

右唐寅震澤煙樹

十洲曾寫西園景衰潢或裁舊幅長事在雅非在人數

却看著相議香光

仇英寫西園雅集小幀上有董其昌
跋云圖中減去二女奴殊為莊雅第

并陳碧虛道士秀法師亦遺之不成高會所見未免著
相其減去人數或因舊幅寬長後人衰潢時截去耳

右仇英西園雅集

詠古陶缶

出陶先越器落葉起龍艘自牖稱納約為罇同戒饗雅
看樸素質不事琢磨勞花養能成實箇中元氣豪

謂缶中養

花即可結實蓋衡是語也見癸辛雜識

仲春朔吉

社稷壇禮成述事

春戊率躬行

祈年福萬氓有收叨

昨惠

去年各省收成仰邀
神惠俱屬豐稔

綏屢籲今誠仲合孟占楸

漢書豐楸於戊今歲元旦逢
戊二月朔日復值春戊祀典

尤叶
祥占近和遠始耕升

鄉增肅穆宿識已為輕

按孟子民為重君為輕之語似矣予以為天子亦大
君也不獨諸侯至於犧牲粢盛之語則實有悖於理
之處夫一邑一郡有民人焉有社稷焉天下大矣旱
乾水溢歲所常有祭祀孰不以時而犧牲粢盛孰敢

不盡其敬即有過亦在君與民而已變置之語孔子
必不出諸口夫子不云乎洋洋乎如在其上又引詩
云矧可射思如因一時旱乾水溢輒行變置則與後
世道家所謂反壇者何異而朱子方注其詳以為躔
甚矣其胥悖於理矣並識於此以示後之讀書者

浙江巡撫琅玕奏報雨水情形詩以誌慰

優雪節前近遠被已欣
汜勝麥收占

今歲新正十二日
京師得雪三寸有

餘嗣據直隸山東河南山西江南等省各奏報同日得
雪甚為普渥此外各省雖先後不同或雪或雨均沐春

祺惟浙江省
茲始奏至

何當浙省馳章奏乃幸新正報雨霑

琅玕奏浙

省各府上年十二月初三日起至初五日省城均得雨雪尚未優渥茲於正月
隨下隨融已屬深透旋據各屬馳報續得雨澤深透情
形大約相同詢之農民咸稱本年有閏節氣較遲今當
立春以前即已甘膏渥被春花足資長發實可普
望豐收現查各屬市集米糧充裕價值亦俱平減高下
土膏澤胥透米糧時價減都廉誠為今歲第一喜額手
觀餘敬畏兼

詠壺盧瓶

椀盤富有印成模似此花瓶新樣殊大小壺盧連蔓綴

瓶之紋復綴以壺盧物毋忘本若斯夫

題張宗蒼山水

愛詠宗蒼畫其言頗有該候惟氣韻至

昔每問宗蒼畫成否嘗答云氣

韻尚未至

深契畫理實愜把吟陪二老幽棲處千山朗照開牢牢

世間事豈足入懷哉

湖廣總督畢沅奏報雨雪優霑詩以誌慰

孟之中霽霑時玉自北而南勢更饒迤致武昌落甘霽

並陳各屬獲連朝

新正上元以前之雪已遍及直隸山東山西河南江南等省茲據畢沅奏

湖北省城地方亦於正月十二三起至十八九等日甘
霽連朝繼以大雪飛灑瀟瀟紛紛積厚盈尺並據各屬陸續
稟報遠近俱獲優霑其湖南之長沙衡州岳州常德永
順辰州澧州等府州屬亦於正月初二三四五等日得
雪二三四五寸及深透不等上年荆襄被水時深軫念
所冀農田告稔庶幾元氣可蘇茲稱春雨應期一律暢
足非但麥苗倍加充實且土膏萌動正可欣稱即可播
大起農功洵屬兆豐之象批覽倍深欣慰
穀種不獨惟資潤麥苗災後荆襄恫瘝切庶乎蘇息解
漂搖

畢沅並奏荆江一切情形詩以誌事

逼江受害害金洲磯築楊林竭力謀

荆江上年被水成災據阿桂奏實因

大江中窖金洲一道為蕭姓種植蘆葦沿沙日漲佔據
江面十分之六七以致逼溜潰隄嗣令於楊林洲新添
磯嘴隄工俾江溜直趨對岸諭寄仍教赴聲機善奏來
庶幾窖金洲沙脚漸可刷動

畧見有功酬

副據畢沅奏楊林洲石磯業經拋砌出水
長十丈窖金洲露出沙脚被江溜搜刷漸

有日消之勢因即諭令正可趁此大好機會向前拋砌
碎石加高幫濶並黑窩廠裏頭亦令遵照硃筆點出處
所再行砌築直截以期溜勢日漸挑開茲又據奏楊林
洲磯嘴壩現已做出十五丈高二丈餘對面窖金洲嫩
沙已刷去東西長三百四十餘丈南北寬三十七八丈
黑窩廠裏頭已做出水面七丈高一丈九尺對面沙灘
亦經刷去長一百二十餘丈寬十二三丈溜勢
愈覺南趨沙脚日見潰塌可謂著有成效矣
南丹北
漲勢成順尺進寸前效欲收

畢沅又奏稱楊林洲磯嘴
壩雖原估十五丈黑窩廠

裏頭雖原估七大令已如數拋砌但現在親赴工所相
度形勢苟可向前進估得尺得寸仍當極力接砌俾溜
勢日挑日遠以冀浮沙盡去刷動害金洲老土礮方為
妥善等語並據繪圖呈覽該督所見甚是將來土礮如
能漸去江流自必暢順該郡
軍民當可永享安瀾之慶耳
佇待正流歸大壑軍民安
枕庶無憂

再題漢玉娃娃

兩漢閱千年以上雙娃依舊戲嬰模萬民赤子置諸掌
在彼寧云在此乎

文壁雨餘春樹即用其韻

為圖復與補詩成送客北征霽景明

二句用徵明自識意

却是靈

巖曾駐處展觀亦用繾懷生

陝西巡撫巴延三奏報得雪詩以誌慰

四省雪霑一律同

新正十二日京師得雪三寸餘嗣據直隸山東山西河南四省各督撫奏

報所屬同日得雪實屬罕觀惟是陝西毗連晉豫曹否均霑未據奏至殊深塵念

西安被否念

厘中奏來時玉五寸積且報連朝各屬通

茲據巴延三奏西安省城

於正月十七日寅時起大雪續紛至十九日卯時計兩晝夜除消融外積地五寸有餘其附近西安府屬得雪與省城相同並稱同州鳳翔漢中延安榆林興安商鄠乾鄠綏德等府州屬均各稟稱於正月初五初八十一

十二等日得雪二三寸至四五寸不等秦中向以二麥為重今入春以來連沾雪澤豐稔可期農民甚為悅豫計日雖遲原得渥直隸等四省同日得雪俱於上元前後陸續奏報西安路已較遠落雪又遲數日是以潤田惟普可占豐悠哉夏長秋收遠日慰今始奏至

燕之惕切衷

仲春經筵

仲春譔吉御經筵勤學可辭茲老年註謂拘墟朱及馬

夫子於韶自有相契於時幾勅命之原是以感之誠而嘆其極自司馬遷增以學之二字朱子遂泥其說而且申之以九十一日知味之論徵變例後申前向例講筵論反覆置辨去之愈遠論二篇一

欽定四庫全書

卷四十五

四書題一經題今歲以首篇講聞韶章遂於子謂韶盡美矣章而引仲其說以見韶樂盡美盡善之實是已有二篇因不復命經題舜因言在胥盡矣武或詩刪善闕焉見前後御論二

篇萬古宮商依則永殊其人世愧增旃

按今非無韶以韶之言在也然則韶果有乎以今之人撫今之世雖日詠勅命時幾之章永其言而律其聲不可謂韶也愧何如之如是則謂之無韶亦可至於武之盡美易知而其未盡善無可徵之言是以予疑夫子刪之即刪其未盡善者也前年曾定詩經全

部樂譜及辨朱載堉樂律全書之謬已於一字一音
窺見依永和聲之原至於聲音之道本與政通而又
實與性通舍性而求樂無有是者舜既為性之之德
又際中天之治宜其發於聲容者盡美盡善若是則
韶樂雖在數千載之上而實不絕於千載之下也

題張宗蒼惠山圖

每值南巡春仲月輕舟先必溯梁溪

六次南巡路經無錫必探惠山寄暢

園諸勝

無端一展石渠卷陡憶羣瞻蹕路徯過去江鄉已

渺渺看來春靄尚淒淒宗蒼那往惠山在一例如同古畫題

詠和闐玉璧

良質和闐貢巨材周尺贏全含水以潤間去聲沁土之精

微受土浸早厭俗工巧命為古璧呈不教拘肉好恐惜損瑤

瓊此璧徑逾周尺而孔祇寸餘不僅肉倍於好因惜其材弗忍去之故不能合考工之制耳

江西巡撫何裕城奏報雨雪情形詩以誌慰

愈南路愈遠奏到自應遲茲報正平聲上澣普逢雨雪施

何裕城奏江西省上年冬雨澤稀少農民望澤頗殷茲於正月初二三四等日靈雨連朝入土透足初五日復得飛雲偏灑郊外存積寸許春前膏澤溥霑民情甚為歡慶 渥優土膏透詎祇麥苗滋望澤閩連界據福康安徐嗣曾奏閩省福興漳泉等府冬間雨膏甚缺現在虔誠祈禱令江西歲首已經霑透閩省連界自當同邀渥澤玉盼該省奏至以慰懸厪 需乎企盼之

仲春御園即事

十日還宮庶績熙侵尋御苑仲春時勒寒冰沼消纔半

今歲立春在正月初九節前後 應節蟄坯驚尚遲是月初九

普霑大雪故較往歲為甚寒

日始驚蟄 煦嫗初含靜觀理芳菲未鬯雅宜詩和調六幕參

元化敢詠風雲月露為

綏德齋

德者仁之端綏者安之意兩字額檐間時切歲已義昌
黎曾言德君子小人異君子居之安斯亦非易事必也

克己私而後施恩惠惠心勿問吉益之九五備

益之九五有孚

惠心勿問元吉說經者率遵本義謂不問而元吉可知
予則以為勿問當作不計較受惠者之知感與否蓋一
有計較之心必致有違道干譽
之事詳見向所作經筵論中

夕佳書屋

西窓向日受斜照到處夕佳名命之

萬壽山避暑山莊俱有此名却

是閒情懶留滯幾曾坐久玩陶詩

題蹈和堂

春景雖未覺春光斯已和氣融梅萼放風嫩柳絲拖育
物心無逸對時興有哦履仁應會此非禮合祛他

湛景樓有會

湖樓稱湛景湛景義堪思湛者靜之謂靜者歸無私萬
景紛在前一靜受莫遺設若著一物其萬遺可知高樓

如有謂謂我涉多辭

石帆室

壘石為假山歲久假即真槎枒樹作古崿嶢巖吐雲幻
如石海鋪問誰能泛輪豎峯即其帆不藉風力循

淵映齋口號

書齋樸斲弗臨池淵映緣何以命之靜照萬幾無固必
吾心時亦有如斯

愛山樓得句

御園多假山愛山何以名況應愛其真愛假隣飾情然
吾有轉語樂即愛之朋與其樂非仁即假漸入誠昔曾
觀宋史至言聞諸程寧為百人欺好賢心勿更呂公著
秩後悔之程明道曰願侍郎即吾意或類斯五字識吟
受百人欺不可好賢之心少替

評

詠官窰椀

唐時越器祇餘名宋代官窰尚容見然而一二已晨星
其間真偽況居半商周青綠實尚夥銅堅瓷脆分明辨

是器允成修內司火氣銷為水光練雖無髻墜微辟暴

以少掩疵誰擇揀

瓷器自明宣成以來蓋臻精工而無辟暴之疵至於宋磁似此雖有微疵

亦珍於宣成瓷器者以少見稱貴耳

古不入市今稱珍絜矩唐虞政慙面

按考工陶旋之事髻墜辟暴不入市是三代以上已

有瓷但其字未見於六經耳唐時越器始稱名而世

亦不見宋時官哥已稱希珍然多有辟暴者故向題

句有云古丙科為令甲第之句以其器底有舊刻丙

字耳器既如是政豈不然是以予嘆風氣之日下不

獨卽物而懷慙也

題董誥花卉八種

水仙

冬卉居然入首春羣芳引領弗沾塵
拈豪不肯輕著句
已有陳王賦洛濱

梨花

淡脂開到全身白滿意輕盈滿體柔
六出設徒擬如雪
似為頻置卉風流

黃薔薇

多刺休言善勒人
葵能衛足此防身
香山本是通禪者

著句緣何染色塵

謂白香山戲題新栽薔薇詩花開將闕當夫人之句

石榴

爛爛枝頭綴絳囊
可憐有色却無香
淵材欲笑失該博

祇向羣芳恨海棠

石榴亦無香故云

牽牛花

田家謝藥得名由

本草注云此藥始出田野人牽牛謝藥故以名之

嬾嬾枝頭

迎早秋如水月涼誰憶遠
比他銀漢望牽牛

秋海棠

海棠名一異春秋寫出唐宮
鬪麗柔春是浴湯念奴侍
秋為妾地沒人收

芙蓉

色映秋江枝簇攢
瀟溪觀罷覓斯觀
陸華霜裏如相謂
君子猶饒耐得寒

菊花

一種東籬傍隱栖別開生面出洋西

近年新出一種洋菊色類甚多曾命

鄒一桂圖而譜之此冊即仿鄒一桂所圖者

泉明此日如相對五色應教嘆

目迷

福康安等奏報得雨情形詩以誌事

西江得雨念南閩

去聲

日奏章督撫陳

前據福康安徐嗣曾奏閩省冬

間雨澤稀少甚為懸厓已即降旨馳詢昨何裕城奏報江西得有透雨因念閩省連疆自必均邀渥澤今日果

即接到福康安等報雨奏章

各屬霑膏雖不一乾田蒙潤則胥均

據奏

福州省城及所屬各縣自入春以來天氣陰晴不齊春雨時作時止雖入地未能深透而土脉業已含滋蔬麥

青蔥漸見長發其延平建寧二府及所屬均報得雨自
一二寸至四五寸及深透不等邵武府城亦得雨四寸
該三府居省城上游一得甘霖溪河驟漲不但田園渥
潤而船筏更賴通行其餘各屬雖未據報齊連日雲氣
陰濃雷被必廣至福寧汀州及下游興化漳州泉州龍
巖永春等府州及臺灣一府亦據報有得雨之處但尚
不能深透已飛飭各該道府即行飭屬開倉減價平糶
並嚴禁市販不得居奇騰貴致妨民食湖河淤淺即已
興功挑濬貧民趁工得錢赴外臺內地籌安衆平糶通
糶水利民食亦屬一舉兩得

商總為民事要廣西移節鎮

近因孫士毅奏阮惠侵逼
黎城官軍撤回鎮南關內

復調福康安為兩廣總督駐劄廣西籌辦軍務其浙閩
總督令伍拉納陞授伍拉納未即到閩所有閩省平糶
挑濬事宜申諭撫臣徐嗣曾盡
心經理副予惠愛黎元至意
撫臣申諭勉宣旬

詠和闐玉雲龍甕

雲固無知龍有知昌黎說著

去聲

互相資所憑依乃所自

為

去聲

語易簡中語實竒玩象本因坎與震量材遂命琢

兮追安溪申注取類廣遇合君臣道可思

按昌黎雜說謂龍嘘氣成雲即乘是氣以神其靈其所憑依乃其所自為語簡而實竒李光地評此條以為寄託至深取類至廣大而言之至於君臣之遇合皆是云云可謂能發昌黎之蘊而為君者於用人之

際不可不深思惕慮矣

題張宗蒼仿黃公望山水口號

成畫之時人未識

此幀作於乾隆丁卯年其時宗蒼猶未入畫苑今觀其畫如覩其人而宗

蒼久已作古矣

茲看畫似識人時人仍去矣畫仍在一切有為

幻若斯

山東巡撫長麟奏報得雨詩以誌慰

今歲節遲氣候涼北方多雪乃為常何當春雨霑三寸

且是青郊普四鄉

東省正月十二日之雪已據長麟奏報各屬普沾茲又據奏一月以來天

氣晴和已種麥苗正當長發之際望得雨澤滋培以期暢茂今於二月十二日卯時起陰雲四合細雨廉纖至酉時止差查四鄉入土三寸有餘而現在雲氣沈濃霖霖未已各屬得雨之處必多春膏優渥大裨農田邇來京師連日濃陰或雨或雪均為膏澤正在切望也幸見族雲佈猶霽可希各屬

被其霧英英邇日勢將作雨雪都嘉望不遑

雪

二月十六日

方喜山東得時雨即看冀北佈同雲少旋優渥膏澤被

氣候朔南寒暖分

山東居南地氣暖燕京在北地氣寒今歲立春又遲故二月中旬尚此落

也雪晴以無風美且善心惟有感惕為欣朝來勤政諭折

本無惕惟欣鵲鷺羣

自正月中澣得雪農功有賴邇日春麥將種獲此優
霑時玉幾及盈尺潤溥膏腴香傳餅餌次晨值御門
聽政之期百爾班行欣欣有喜予則每遇

天恩慶幸之餘益增感惕五十餘年不渝此志若諸臣
惟盡心職守足矣感召

天和持盈保泰實予之責諸臣同予之欣而不同予之
惕是亦君臣各盡其分而已

御園雪景

昨日花朝花未開
女夷神運有栽培
瑞霙六出酣飛放
萬樹林枝與綻梅

玉林銀嶠總遮羅
望訝高峯失翠螺
却惜湖水消已盡
不然收取得尤多

每逢冬雪收冰上雪培樹並以行賞
茲湖水消盡不可收祇令收岸上之

雪即可抵前番足
見此番雪大矣

柳絲護岸作銀絲
緩棹由他且自遲
把筆欲停還欲笑
恐妨訪戴涉陳詞

積樹因風落冷瓊微寒恐礙麥芽萌望其不及慮多過
終始為農那盡情

明漪樓

連漪稱以明其明實無心故無物不照妍媸聽自臨寄
言照物者於斯應酌斟苛察以為明匪明暗乃侵戒已
并戒人五字聊成吟

題映清齋

溪齋近水名映清映清之義不一足心欲其清克已方

政欲其清察吏屬時欲其清安民要邊欲其清柔遠篤
暎者觀也敢弗思大觀在上義經讀

稻涼樓口號

稻遲浸種水乾溝鱗町

去聲

空空徒暎樓欲待乘涼閒拾

級年來避暑付名留

每年獲稻時正直駐蹕避暑山莊以是登此樓甚稀園中綴景稱名

原弗遍留
意涉攬也

直隸總督劉峩奏報得雨詩以誌慰

保陽三百里南去氣徐暄得雨帶微雪自城逮遠村

京城

十六日之雪幾於盈尺茲劉峩奏保定會城亦於是日
已時起至申時雨中帶雪隨下隨消入土已有二寸且
稱雨尚未止並各屬是否均霑俟報到續
奏等語當可均邀
恩賜冀獲溥霑
計霑已二寸
未止冀

深恩各屬待詳報先茲奏吉言

復雪
二月十八日

善晴欣昨日
雪後無風復雪值今朝浩浩迷崖畧漣漣

接漢霄玉添待伴隴
瓦隴積雪未消膏潤宿冬苗
宿麥雖未

發新芽舊
者自增潤
重疊蒙

嘉貺懼滋勵旰宵

安徽巡撫陳用敷奏報得雨詩以誌慰

南方農事早雨雪足初正茲報月之晦重霑雨以并

安徽

八府五州於正月上中兩旬先後雨雪均霑茲復據陳用敷奏省城地方正月廿九三十等日膏雨頻施二麥菜蔬長發青蔥春田佈種黍稻翻犁更易該省上年間有偏災茲得春雨渥優各屬糧價照常農民倍當歡悅菜麴胥茂發黍稻總堪耕去歲偏災後慰欣糧價平

仲春玉泉山

來較往年半月後看如昨歲十朝前立春遲以致若此

落雪優兮喜信然，巖脚峰頭猶積素。
桃心柳眼未增妍，鱗塍却已生新水。
幸在插秧利大田。

題華滋館

溪館清而潔，坐斯理事宜。

是處前臨溪水，最為清潔。偶來於此，傳膳理事，頗覺怡神。

每批報雨奏實慰，幼農思

本日接到直隸總督劉峩古北口提督閻正祥天津鹽政

穆騰額等續報各屬雨水均霑，情形欣慰之餘，並深敬惕。

然益戒盈滿，無遑弛敬寅。

若論即景句，華未幸含滋。

翠雲堂歌

老枯一雙鬱翠雲幾千百年盤其根翁對厯冬不改色
枯古堂古相氤氲雖然堂幾經修葺枯如弗知比肩立
有若傲堂孰久暫為解之曰慢汲汲須知有象無不壞
幻中久暫原一概南華齊物畧涉藩其於無言尚未會

甄心齋

常謂立言多好竒甄心因致七載遺思徹底用求高遠
數語聖經早盡之

竹壚山房二首

趵突千秋山脚披垂虹明季誤名之

玉泉從山根仰出實與濟南趵突無

異並非瀑泉舊稱玉泉垂虹者誤也

泉稱第一冠天下靈佑皇都萬載資

玉泉靈源濬發畿甸衆流皆從此濬注予因定為天下第一泉

山房咫尺兩間開就近烹煎試茗杯竹鼎松濤相應答
九龍縮地面前來

靜怡書屋有懷

書屋號靜怡每來必詠之來或殊乎靜而吾有解辭屋
之靜惟寂來逢靜則怡相資相得彰其怡非外馳然而

來去間究弗若無為分付樸素齋守汝寂永宜

樂景閣即事

湖中高閣額樂景山水之趣一合領春寒景物未芳昌
名實頗似弗相等雖然我亦有轉語我豈尋芳花柳境
觀其醞釀協化機愛此韜藏愜幽靜更有積素鋪銀塍
利益春耕田萬頃繫予之樂在斯乎所喜外人無不省
虛受堂

綴景軒堂名不同取名率用勵乎躬批風抹月真無當

去聲 逞異搜奇亦豈通兩字瞻茲虛以受永懷契是廓而

公究之君道斯為亟敢不孜孜慎始終

福康安奏報得雨詩以誌慰

燹後七閩常切念欲蘇民氣要農功

臺灣經兵燹之後
惟藉雨暘時若通

省有收可冀民氣漸
蘇是以屢念尤切

雖曾被澤仍愁小斯乃渥霑可冀

豐

前據福康安奏福寧等府雖有得雨之處尚不能深
透已飛飭各屬開倉平糶并虔誠祈禱等語茲據奏

省城地方二月初三日戌刻雷雨交作淋漓達旦復於
初四日傍晚起至初六日止連次得有大雨時作時止
連綿不斷現在雲氣尚釀查勘高田入土五六寸低田
七八寸不等所種麥苗一時茂發此次得雨極為霑足

春田可各屬有無隨驛問西湖疏濬得舟通

又據奏近省福寧興

化等府均皆普被漳泉臺灣等府及龍巖永春二州亦具報各得透雨其未報之處是否同時霑澤俟查覆到日續奏至近省之西湖挑濬工程不日即可告竣現將城河飭令接續趕辦貧民趨事赴功極為踴躍閩益

覺恬

熙 祭門擇要移兩粵諭撫勤宣勉代工

福康安在閩於民事頗為

盡心祇因粵西有應辦軍務不得不令福康安調任兩廣刻下想已起程撫臣徐嗣曾亦屬能事自能仰體予

懷實力撫循也

題和蘭古玉決

今玉琢成決云何古玉吟河流忽以現土氣受來深外

自成毓質內猶得鑽心

和聞玉子土華周身量質為毓玉工用鑽虛其中心製斯決以

受土氣深尚斑斕如絳雲護月也

絳雲白月護周雅詠垂音

山東巡撫長麟河南巡撫梁肯堂各報得雨詩以

誌慰

月之中澣京畿雪繼灑連霏渥且優山左河南都為雨

今朝昨日報來周

昨據山東撫臣長麟奏二月十二十六十八等日濟南省城并各州縣陸

續稟報得雨一二三四寸不等今日又據河南撫臣梁肯堂奏自正月三十及二月初一初五初八十三十六十八等日開封省城及各府州屬陸續稟報得雨二三四寸不等今歲春遲二月中旬京師猶復連次得雪齊

豫二省居南已覺向暖各稱得雨頗優
似此天澤均霑批覽彌深感惕

麥苗既卜堪登

隴穀種蕪欣可播疇南暖北寒胥被

澤慰哉惟益勵勤修

題鄒一桂花卉冊

綠萼梅

玉魄倒枝入影斜不池清淺淹無涯
列仙傳裏如尋號
了識名為萼綠華

人面桃

映日含情疑有謂臨風倚菱若無憑小山

一桂號

畧解逃

禪者何必崔家故事徵

白梨

素質英姿稱

去聲

倒株由來月裏不模糊笑他初做媽紅

者

梨有初開為紅色者

本色失之惜否乎

紫藤

裊裊垂垂紫玉光或看冒架或依牆設如步障相比擬

石氏風流定讓王

黃薔薇

薔薇一種色滋紛

花譜各色皆有而非紫薇

自是中黃迴出羣易盛

譜稱却難久

見羣芳譜

言該道廣合尊聞

玫瑰

石類何時入花譜色如火齊

去聲

弗相殊雖然堅

石脆

花

終難混太史青雲鮮定符

茉莉

原出波斯植南海而今無處不有之閒庭小立乘涼際

寂合風清月上時

百合

花為重邁根為蒜

見羣芳譜

贏得玉簪香放輕絜矩莫予違

之說一言百合訝堪驚

石竹

翠葉學他个个森
蕤英石畔與牆陰
草花中縱稱佳品
難入渭川君子林

秋海棠

草木何須其本求砌頭牆角足風流淵材默對無香際
直自三春恨到秋

木芙蓉

粵榮深淺傍秋池物有乘除理可思應是妬他水君子
近仁之一木居之

菊

競開五色競歲蕤未必淵明此識之近日西洋名特盛
直教數典減東籬

水仙

故事恒多洛浦徵姬嫫寧稱

去聲

玉壺冰邊傍巧置天竺

子雅似琴高赤鯉乘

天竺子

弗秋實亦弗春華可號子還可號花內翰却為馬遷法
劉邢合傳別裁誇

雪

二月廿七日

鏤冰剪水復彌漫圓壁方珪疊入觀恰喜竟成十日雨

是月十六日優雪 微虞恐益幾分寒青郊正是發生候紅旭希

披霄漢端春澤望霑茲望霽為君無一刻無難

降旨蠲免甘省民欠糧銀詩以誌事

捐監甘涼弊去尤

甘肅王亶望等上下通同作弊冒賑侵蝕為從來所未有不得不嚴辦以

懲貪墨而肅吏治

數年幸未重災投

自大加懲治之後數年以來尚獲有收雖間有一隅

偏被電旱之處不似從前每歲報災矣

究因地瘠民貧處常切思艱圖易

求吏蝕官侵誠已鮮緩徵借欠積猶稠問知方伯不宿

諾

甘省地瘠民貧向多積欠從前蠲免後又有年所茲勒保來覲詢知近日情形即降旨將甘肅民欠地丁

正耗銀二十三萬餘兩種八十萬四千餘石草一千一百餘萬束又籽糧折色銀四萬餘兩種一百二十餘萬石並陝西延榆綏三屬未完穀三普與蠲除需澤流十六萬餘石加恩普免以示恩卹

喜霽

輕陰已閣雪

用王維意

暖日朗開晴瓦素消冷氣土黃含潤

情有薰柳條嫩無礙麥芽萌春仲吟喜霽足知膏澤盈

西直門外

赴強

中祭欲躬親

明年予八旬欲及精力尚健於二三年內凡中祀皆親祭一週自後非

郊

廟大祀即可
依例遣官矣

景德

先農祀暮春齋戒還宮歷郊外原田所喜雪消銀

位為

天位職天職主祭惟吾敢弗寅次第及能畢陳悃祈年

莫匪為去聲勤民

養心殿齋居

中祀弗遷坐齋居一例誠食非戒辛辣樂定徹音聲常齋

雖弗居齋宮弗忌辛辣然
一例不飲酒不作樂也

半夜聞霏雪逮辰幸放晴慰

和虞並集總是為春耕

今春得雪甚優又慮春寒有妨耕作昨夜半復得雪而辰刻旋

即晴霽實堪欣慰

季春祭

歷代帝王廟禮成述事

恭承

祖訓示千古增入

廟曾躬祭臨

康熙六十一年廷臣遵奉

歷代帝王廟祀一百四十三位爾

皇祖諭旨

時議者不能仰體

聖意且疏奏在

大事前數

日討論多疎如漢則闌入桓靈而於前後五代並未議

及出入頗覺不倫予於甲辰歲閱大清通禮見崇祀位號弗愜於懷乃勅大學士九卿等更議增祀晉元帝以

來二十五帝而於桓靈則徹出之以彰千秋公論次年仲春入祀神主於廟因即躬禮告虔用申妥侑乙

已至今三載閱季春將事一心忱述之七字義斯著記

以長篇意更深

乙巳禮成述事一律既已詳著增祀之義復念此入廟與不入廟之分儼寓旌

別彰瘁之意我後世子孫孫祈天永命將以綿萬禩無疆之庥胥當憬然而思惕然而懼因更為記一

篇其所以凜難謹之戒者意更深矣五十四年親祀七及能執禮致予欽

會典載

中祀皆遣官

歷代帝王廟等是也惟始即位應一親行餘皆候旨朕
凡親行者六次矣念明年即八旬夙願於致政以前
郊

廟大祀勗必躬親其能與否敬俟

天貺若

中祀則應依例遣官欲於今後年間及此身體尚健於
凡

中祀皆親祭一周以盡負庠抱蜀之職用識緣起如右

細雨

三月初三日

細雨復三寸明知利耜耕

將以初六日行耕耜禮

但因渥春澤

北地

春間每多望澤茲因入春後連次得雪土膏極為霑潤轉盼晴和俾麥苗得資暢發却望及時晴

閒覽震霆勢不禁展轉情期全弗知足自合致多悵

喜晴

三月初五日

春月難逢是喜晴喜晴足識渥霑誠風蓂雨笠同彼願

月初以來連日陰雨諸臣恐耜田土溽欲請不行三推之典因諭以小民終歲力田沾體塗足何嘗能免予既

倡率民先年近八旬尚能履畝即使是日有雨與老農
風蓑雨笠亦所不辭今果蒙
吳蒼鑒此誠衷豁然

霽朗俾明朝得以從容成
禮欣慶之餘倍深寅感

日朗雲徂愜衆情昨午猶看

留靄淡今朝快靚放曦晶明當藉典增虔慰近八旬仍
勸力耕

耕藉日恭祭

先農壇禮成述事

廿七承

明祀

五十四年之間八旬近次年及茲能執禮於是盡
已親祀廿七次

心虔

年近八旬欲於今後年間凡自後即可依例遣官詳見祭

中祀皆親祭一週歷代帝王廟詩識

語

興穀功垂古

綏豐惠助

天禮成逮觀瘞欲退意卷然

太歲壇瞻拜

先農祭罷恭瞻拜

皇考躬行成例尊

雍正孟春乙卯祀

祭畢拜

先農壇就近詣太歲壇瞻皇考時所行例也予每逢耕

稽敬謹奉行蓋孟春歲暮例遣官祀
皇考適太歲壇而無親

行之禮雍正十三年孟春
孰知八月即遭大事嗣位次年丙辰為乾隆元年有不可思議者
乾隆繼歲丙辰元欽

哉顧諟惟

天命久矣率時溯

祖恩錫歲安民深致懇萬年

垂佑永希存

耕藉禾詞

午未申仍三載違甸師申命此清畿七旬有九勤耕藉

自審庶無負古稀

六十一未詞昔詠補今三什冊書中

向於耕藉日祀先農禮成述事外

復有未詞或三十四首或五六首至八首不等皆彙書於冊歷年已得六十一首今又為三首補書冊內數符義

卦義兆生生冀協屢豐之象

數

去聲

成上下經義卦占吉惟殷籲屢豐

中祀一週行合當

予立願歸政以前祀歲必躬承近思

中祀

郊祀亦欲於兩

三年內皆親祭一週蓋自揣八旬之年蒙精力尚強勉盡恪虔以盡為君之職此後則當依例遣

天眷佑

矣官及茲身體尚康強盡予懇款抱蜀職能此都緣

天賜祥

耕藉禮成迴駐御園憑輿有作

春雨頻霑喜快晴三推藉典暢躬行

天恩錫我應敷錫叙賚等差愜衆情

今歲仰荷恩春膏優渥

又以

快晴躬行藉典步履裕如益深虔慰因降旨將執事之大臣官員等文部議叙蔭賜祭賞戴花翎復與府尹吳省欽以下各屬員從優議叙其御前侍衛官員人等下及老農人役分別賞賚有差以薄恩澤

廿年前者老農無

予御極初躬舉藉典計乾隆二十年以來從耕之老農至今皆已在九旬

百歲之上不復能執役趨事矣

隊裏稱雄一可呼

今日老農隊中有劉榮者年齒最長呼至

御前詢之據奏年八十有一嘉其精力矍鑠賞以七品頂帶加賜布帛以示優恤耆年至意

較我春

秋纔長上聲二優加恩以獎勤趨

蹕旋郊外凭輿看積雪全消了不寒冬麥青青纔出土

昨憂苗凍此心寬

前以雪多春寒恐已出麥苗或致受凍茲途中歷攬雪融氣暖青青始茁

謹念為之畧釋

柳絲桃蕾漸昌怡萬物由來不讓時却先去聲清明得甘

雨

初九日始清明節

青郊春色倍含滋

宴坐齋中肅然成詠

景德

先農述職連勤民

祭先農耕藉

鑒已

祭歷代帝王廟

幸無愆

壇餘朝

日夕月及

文廟

陵峙東西待次年

近思於歸政以前凡一週以盡予職茲

歷代帝王廟中祀皆親祭

先農壇已躬祭成禮

文廟之後皆可躬親將事而八月

以正壽慶典自山莊回京即當躬祀

巡啓蹕先謁東西二陵敬叩八旬之壽

雨快晴覃意愜若時逢運勵心虔更希

丘澤宗社祀

欽定四庫全書

鴻佑躬承乙卯全

予現在精神步履尚能強固裕如是
以立願自明年以至乾隆六十年乙

卯凡恭遇

園丘

方澤

太廟

社稷大

祀歲必躬承若果如所願則

吳蒼眷佑萬全實為

自古所罕觀

予恐不盡加孜勉以
期仰承隆貺有加無已耶

賦得草色遙看近却無

得夫字八韻
會試題

弗藉詩鳴者仍從文會夫即看吟草色總以示神模一

二二而一殊同同豈殊嫩青遙望有濃綠近寒無醞釀

化呈彼闢

門目

蔽戒吾

謂蔽
於近

蠅傳真是誕

見異苑謂
露中禁消

息

蚓出糞如酥育物窮萬理對時協六符漫將擬書帶

尺寸較長乎

清明

南雨北為風清明候弗同

清明時節雨紛紛此南方清明之況也風刮上墳土連連

四十五此北方清明之諺也今年二三月間雨雪太勤以近景論之實願作風而晴又恐清明日風致三四月雨少致


早耳

春膏沃農願午過動王雄傍晚勢全歇祈年慮

不窮懼欣難措意莫匪為民衷

今早晴和實愜所願過午風作至暮而息一日

之間懼欣展轉莫知
所措此為君之難也



御製詩五集卷四十五

欽定四庫全書

集部

御製詩五集卷四十六

欽定四庫全書

御製詩五集卷四十六

古今體一百二十一首

已酉四

幸盤山啟蹕之作

春日行時動養和宜老年盤山送佳氣御苑發華旃潤

野無塵坐連阡看麥芊東門仍跨馬

上年五月幸避暑山莊啟蹕日上駟

院將御馬遲候因乘輿而行非意圖安逸也今日仍乘馬一時扈從及送駕諸臣無不同深慶忭

萬衆

意欣然

湯泉行宮八詠

溫泉

地下硫磺釜底薪一般能熱用殊陳湯常熟物泉則否

假借由來不及真

溫泉雖熱如湯然不能熟
物假不及真事理可悟矣

柳色

今歲春寒殊異常閨前遲暖故應當

今歲遲閨立春在
正月九日是

三月初旬
方覺向暖

此間物候先他處

近溫泉處物候發生皆早
蘇來柳初染黃足驗節氣

之
柳色猶然纔染黃

池塘

架木為堂下覆池引泉備浴避風吹十年前或來一試
耄耄非宜久不為

玉蘭

往年來此花常謝今歲斯花正待看問孰為之權巧術
女夷方便遇春寒

山亭

孤峯突出俯澄潭岫巖頂平上有亭莫訝飛來無所據

太行分得一稜青

遊魚

泉為湯即釜為池箇裏遊魚不自知善譬張綱化頑梗

柔因剛得可思之

按後漢張綱降張嬰事單車造嬰壘開譬大義嬰感悟自謂如魚遊釜中

今幸更生云云綱似以柔道化頑梗然亦因剛直素著乃能令人輸誠聽命也

書室

駐輦原欣清暇多書齋到處縹緗羅抽開一卷便有益

益自因心可會麼

官鶴

翦翎豈不九臯懷
隔嶂聲聞亦自佳
却笑羽衣瀟灑客

林間今日應

去聲

官差

順義道中作

義必由仁義乃正
順惟遵義順無差
修身察吏安民備
師保如臨實不遐

雪雨優霑勝往春
竟逢泥濘礙行人
雖云除道勞羣吏

令春雨雪優渥
迴勝常年蹕途
所經竟有泥濘之處
地方官已修治
平整因諭部議
叙以獎其勞
然農田得此

膏澤大有利
益為之欣慰却喜農田利萬民

農田亦有艱耕者

今日見道傍低窪之地間有積水恐不能種春麥止可少遲翻犁播種大

田展轉縈懷莫非
為小民生計耳

待種大田正豈妨展轉莫非籌穡事

孜孜猶日敬無遑

駐蹕盤山靜寄山莊即事二律

薊野風和曉日晴欣看舉趾利春耕
堵波已自凌雲見

大嶺仍教策馬行杏蕾微紅隨節候
松鍼恒翠識堅貞

無須冀霈祇須霽令已前丁迴異情

前歲丁未春巡駐
此正值盼雨有英

英卓午低峯嶺冀霈當春七字詩之句今春雨雪極為
霑足目前惟盼晴霽庶已茁麥苗得以長發並可播種

春麥
耳

靜者山莊復駐茲寄乎前歲去如馳峯姿泉韻自千古
暮攬朝吟又一時然豈敢因懈勤政却無妨亦每成詩
閱年事已紛多矣靜寄由來付不知

題延春堂

堂以延春額延春亦此堂誰賓復誰主如幻實如常乘
暇親書史隨時樂景光咄哉言近失無逸合猶覆

韻松軒

韻松松韻幾多年究未明其所以然祇有書軒泯魚兔
此中却孰是蹄筌

謂松非韻松無韻云韻是松韻有松置却是非有無論
偶然樂此偶然逢

接要樓有會

萬景紛目前應接無暇空然而得其要亦弗勞心孔得
要自挈全靜寄莊名總

盤山佳勝應接不暇惟靜能
領其要故總名曰靜寄山莊

謚

以待其紛寂以觀其動憧憧泯往來順應那知冗斯猶
對景言萬幾吾獨重得其要若何敬凜三無奉

引勝軒五疊前韻

老松如君子其德乃顯允落落峙軒前間

去聲間

平聲露峰

筍彌綸含動靜萬物天地準春色昭有為泉聲示無盡
於其有無際忘機孰能引

題暢遠齋

齋窓暢遠觀遠景在目前葉色綠尚韜花光紅漸妍偶

爾一憑榻詎欣騁目閒去歲江陵災萬戶遭迍連竭力
普賑救元氣未復全南望如見之尚切惻瘼艱閑窓坐
靜室猶覺心惻然

靜夜吟

九疊十全韻弗賡

自前歲靜夜吟九疊前韻已成十全應如中秋帖子涿鹿行文園獅子林

諸什之類俱以十全為度可勿賡韻然吟興自勿能已也

名山靜夜豈無情設如致

問情何寄曰在風清與月明

倉場侍郎奏開斛起運詩以誌事

近數年來運道艱

自乙巳年起河南安徽江蘇等省久旱洪澤湖來水微弱清口致有停沙

又以運中河歲久淤墊漕船節節阻滯嗣丙午夏秋黃水盛漲清水不能刷沙而山東微山湖連年水櫃又不

能收符舊制以濟運道遂致南漕北上又復淺阻是以頻年漕船不能全數抵通屢有截留之事詳見前數年

誌事詩注

幾多神思費其間曰懲曰勸匪一致籌濬籌疏有

幾般

前數年漕船阻滯漕臣毓奇張皇無計為之籌畫再三又因督河諸臣挑濬運中河時不趁上游未

放水以前先建牖座以致水無攔蓄一洩無餘嚴行督飭設法辦理將薩載李奉翰各降頂帶示罰又以黃水倒漾沙停清水不能暢出命大學士阿桂馳往河工為之主張會商熟籌妥辦以期利濟運道至前歲復諭令蘭第錫與畢沅沈長麟悉心會勘東省運河應行疏濬各處特命明興專司其事並諭以民修各工先行動帑興

修俟工竣後分年帶徵以紓民力如動帑過多即據實奏聞降旨豁免嗣據明興將支幹各河一律疏濬深通微山湖收水較每年定誌一丈一尺外多收一尺餘於是南北運河始得通暢至上年又以衛河水小直隸吳橋一帶間有淺阻之處亦節次傳諭挑濬趕辦並官造撥船起運漕糧乃得迅速抵壩回空不致凍阻而所帶土宜貨物源源而來京師市價亦日就平減

所幸秋霖鋪底足更欣春雨益波

潺較先兩月開斛早

上年秋雨深透河水充足加以今春南北雨雪優霑運道益為暢達

茲據倉場侍郎蘇凌阿劉秉恬奏稱山東德州衛並豫省通州所等共二十幫漕船於二月十九二十六等日俱已陸續拽過津關其首幫已於三月十二日抵壩即擇吉於十二日敬祀河神開斛起運查上年東省首幫於五月十二日始行到通本年較早兩月現在南糧頭二三進各船俱能挨次跟接北上啣尾而至今歲全

漕自可仍復從前舊制等語可見事在人為果能實心經畫自有成效也

事在人為理不刪

寫音書屋對泉作歌

我來書屋稱寫音未來此音向誰寫可知音自太古俱
時有雌雄無停者夏音為雄冬音雌最喜春音和而雅
東坡擬琴實佳哉宋玉喻風含刺也曰法

謂蘇語

曰戒

謂宋

語
闕為君聞音資益亦弗寡

泉香亭

引水飛來貯作池構亭其上坐臨之撫箋一晌成吟際

雅似南巡龍井時

此亭乃肖西湖上龍井之式為之向每有詩紀其事茲來汲泉煮茗不異

南巡之風景也

甲辰己酉豈殊時六載風光睫眼馳自覺人猶如是也

不期增鬢幾莖絲

根塵底用屢評量

乙巳泉香亭詩云香味色聲四官受泉惟三有獨無香丁未詩又云乙巳

曾吟泉欠香既轉語謂有花芳根塵即空而屢費評量未免失之辭多矣

味色聲原總一香

分相由来即合相是常箇裏具非常

婉孌草堂

四時景等度婉孌恰宜春無樹不生意有花皆靜真董

圖不期合張畫雅稱賓

堂懸董其昌婉孌草堂圖因以名堂而壁間張宗蒼之畫不啻

賓之賓矣

每至胥留詠契他今

宗

昔

其昌

神

題張宗蒼畫三疊壬寅詩韻

山泉佳處築書堂泉瀟淙淙山蔚蒼張董兩圖壁間趣
古今相映鏡中先知他作友方稱合來此賡吟例以常
得句輕輿旋命去笑予靜總不勝忙

對瀑四首

對瀑處難屈指數處無不對瀑留詩瀑如常乃詩境異
知瀑應咄多費辭

昔歲瀑非今歲瀑今年人是昔年人是非今昔都權置
輶軋聲中已酉春

蜃窓相對坐而看色是真空聲是寒太白爐峯雖勝此
望三千丈費遐觀

不宮商却中

去聲

宮商漫議毛詩漏一章

詩三百篇竅工
寫景其中言水

者甚夥而從
未有言瀑者

近譜全經攜以對謂相當抑弗相當

養虛齋

齋無不虛者云何名養虛選字題檐額蓋寓自箴子虛則無不公廓然應物如修身與敷政胥弗出此歟試觀萬景投而齋概受諸齋實付不知是謂養有餘

暖

昨日四山嵐今朝一天朗嵐恐蒸為雲朗欣曦光晃於春虞雨過虞中慰弗爽微慮四五月澤艱致暎象

北地
春月

望晴常年所罕觀固堪欣慰然又恐盈虛之理夏初或致少雨不無縫懷民事攸繫未敢放心也

疑多

愁致多無非為民想即景心固適而亦未敢放叶衣換
細毳輕輿徹羶帷敞杏欲綻千林松自撐十丈意舒觸
目佳茲遊庶未枉

遊天成寺

乘閒偶作問山行熟路寧須更計程却憶昔年策馬健
不期今日凭輿輕林開寺徑空中色泉掛樓窓靜裏聲
一晌憑欄生默會由來物物總天成

萬松寺

峻挺輕輿款款升到來虛牖坐而憑人勞已逸緣年老
不必人言已自憎

山松昔忝今重壯訓諭曾教愛護之

二十年前見此處
松樹有被人斫其

皮者以致松多枯萎曾經飭禁近年以來
樹漸壯盛今已老幹之而蔥鬱可愛矣

作老龍鱗憶

王句長

上聲

年景況畧同其

遊青峰寺

逈迤山之陽大要亦已覩過嶺至山陰颯景復堪數林
芳尚韜春松蒼弗改古澗仄氷垂帶峰凹雪積土乃悟

陰陽異寒暄頓殊所仲舒天人策總為王道譜佛宇舉
儒言同歸豈謾語

法藏寺

法藏緣何名蓋以三乘萃而茲山寺中僧無一識字問
律律不守問禪禪弗會似此名實乖披衲為何事尋思
色與空萬物本自備擺脫律和禪或即第一義

寄題雲罩寺

雲罩由來久不登嶮巖策馬率艱能於遊辭嬾或可耳

於政畏勞斯豈應

若塗若戶久心中昔日憑窓即此躬上下大都同一望
底須彼此辨無窮

西甘澗

遊山已歷南和北旋轡應從西及東老尹喜他曰馳驛
弗耽賞返日方中

泉甘可識澗之甘茅舍三間古佛龕不事莊嚴事幽寂
寂宜本色悅瞿曇

東甘澗

山泉無不甘豈論東與西一岡為之隔左右分以齊然
而有何定常言至理提試立岡之上南北各殊睇向南
東為左西誠為右兮設使身向北左右手頓移左西而
右東炙轂難辯茲誰能去安排共爾談筦倪

遊山旋入千尺雪門

路近山莊畧乘馬亦緣非上乃下也上為難而下為易
取易捨難何為者自慙老況有如斯人縱弗嗤我自嗤

尚或頌稱清健美退有後言舜戒之行行苑門近西北
復易清輿降劣崩棲劣崩更臨石澗有屋灑然堪憩息
俯憑雪以千尺名數典寒山已久成寒山景概那復憶
所憶吳民愛戴情

千尺雪三絕句

東北諸溪匯此歸南流數里入沙稀於斯孤注依然壯
雪色雪聲辨是非

溶溶平石作波流瀑沫澹然向下投蓄乃放之本可會

由來詩思

去聲

似茲不

唐蹟千年宛若斯憑軒啜茗一評之瀛藩奕世車書奉
保泰殷殷念在茲

翠帀亭

今年遇閏發生遲
翠彈青尚斲枝
莫謂虛亭副名未
葉凋周反看前斯

題擷翠樓

季春山裏尚微寒
橫嶺豎峰翠未攢
拾級高樓無可擷

樓言遲月試來觀

綠縵亭戲題

林待翠交背陰冷草看綠縵向陽和因而憶得廬陵賦
謂爾青蔥漫自多

題唐寅品茶圖

品茶事自屬高閒真蹟六如掛壁間茗椀竹鑪陳妥貼
品非閒者畧頽顏

朶山亭口號

青蓮一朵虛亭納俯視諸峯與衆林笑向翼然思致說
慢如典論亭千金

登半天樓

山樓有來必一登一登亦必留吟去明知昔年非今年
而今坐處原昔處熾然今昔異同間欲因著語難得句
不如詭石蒼松表隨意延睇胥得趣

效深室

效與効同音而胥具二義曰法曰呈驗其用非殊致深

則淺之對蘊以方寸地巖室偶來遊題額瞻二字弗作
景概觀別生材器會授職勤宣者濟濟楚楚輩率稱效
深心深心果效未知人能官人應場並增愧

泠然閣

無論澗底與林巔都有清聲到座邊我自箕疇協蒙聖
御風何羨彼泠然

雲林石室

雲生林為動室倚石常靜動靜相資彰天然繪山景深

幽入北谷嶮嶽降西嶺隨緣而得佳有象虛無境丈室
月戶憑忘觀意與永

雨花室口號

文殊承佛問維摩室裏天花落幾多著弗著權休置論
默然處又付誰何

陝西布政使秦承恩奏報得雨詩以誌慰

旬宣司地方農務尤所重

時秦承恩護理巡撫印

孟春報被澤春

仲霑接踵

前據陝西巡撫巴延三及秦承恩奏西安各府屬於正月內得雪甚優茲又據報西安漢

中鳳翔榆林同州興安商乾等八府州屬於二月初八
十二三十五六十八九二十二二十四五等日得雨三四
寸不等時屆仲春正二麥菜豆長發之
候雖得甘膏益資暢茂覽奏深為欣慰
八屬次第告三

四寸滋壟麥資拔苗禾黍堪佈種南北蒙

恩普

節次據江南浙江安徽江西福建湖廣河南山東
山西陝西直隸等省先後奏到各得雨雪深透而

京師春膏渥被尤為罕逢今歲南北普霑
天澤惟有益勵敬勤以仰承
昊貺耳

慰哉滋敬

悚

即景雜言

今歲清明盼風無畏風

今春二三月雨雪甚多清明時
惟盼有風晴霽然又畏清明日

作風致符四十五日弗止之語幸是日午後
風起迨暮而息近數日竟無風實慶快人意前朝盤山

恐雨竟弗雨斯皆即景所艱致而兼得之豈不慰心所
復思慰或隣於驕收其放心孟子語春寒邇來日暄之
萬花齊放盤之阻蒼松古柏固無改艷冶間平聲亦覺媚
嫵微笑田疇鯁介者何亦繪芳博人覩

題心境齋

池波堪擬鏡鏡上復置齋彙名之曰心其義可詠哉鏡
實假名象齋乃真庭階知其真與假胥歸方寸懷所以

孟子云萬物我備該心為鏡之本鏡為心所開同歸一
照中真假寧須猜

灤文榭

山水易為流貯之頗艱致設法堰其委

正韻壅水為埭曰堰

成池

宛可積灤以其小名文以其漣寄灤濞勢有舒迴旋態
無匱是皆象乎文憑榭淨几置把筆却懶吟陸賦言之
備

錢維城松下看泉仍用乙巳韻

泉聲松韻誠難寫松韻泉聲實自圖掛壁列庭相映者
誰賓孰主若斯乎

留雲室戲題

墻騎大石屋架上石半屋外半屋中其生雲者應在外
在內石生雲何從然而其石本一體雲根蔚氣原相通
況乎室窻可開閉是一是二將無同外之生者寫以去
內之入者留或充循名責實合在此目與之會心與融

題崔彥輔溪山烟靄圖八疊前韻

太古田盤非鑿空溪聲山色與之同祇餘一疊十全逮
向作疊韻詩如涿鹿行中扶帖子諸什至九疊已成十
全不復再疊此圖今已八疊前韻再餘一疊即當如往
例不必以多
為能事也
知止休誇擣藻工

千相寺戲為禪語

一相即千相千乃本乎一佛語一亦無其千自何出然
而千手眼亦標波羅蜜其間是與非定語難窮述不如
隨其名或可通乎實

貯清書屋自警

書屋向以貯清名弗過林泉享其秀林泉之秀縱天然
田盤何屋無斯邁茲來乃復心有會豈在佳景之輻輳
一室譬如人一心景之呈者屋必受叶皇清國號萬斯
年貯之方寸吾應懋質以人心與天理微有弗當伊誰
咎朝乾夕惕敢遑寧那更侈言遊覽富

讀畫樓口號

畫非活畫那堪讀活畫惟應萃是樓樓以無言讀過了
試將此意問田疇

交翠榭

凭榭又看翠互時光陰兩歲瞥如馳偶來却憶晏平仲
善與人交有若斯

題陳書倣王蒙夏日山居

王氏名蹤陳倣之重陰如蓋四鄰披山莊避暑弗居此

每歲夏至後即登蹕幸避暑山莊長夏山居之圖
於此處似不相稱然斯圖斯境斯時三即一耳詩本

看時同在茲

得既軒有會

欽定四庫全書

御製詩五集

卷四十六

十八

事弗得其概安能定善否人弗得其概安能定妍醜然
得概亦難忘我以為首設有我於中紛投外來誘試觀
鏡之空其中物無有更觀衡之平量物隨所受得概或
庶幾匪曰賞林藪

遊古中盤慧因寺

曉出西北門山路循迤邐詭石及奇松筍輿看畫裏入
深徑逾仄巖宛曲猶委遂造梵王居青蓮棲碧巖題額
慧因寺非古我自始迴頭問山僧可悟慧因旨

槃阿精舍四首

佛宇東廂精舍精千巖萬壑俯中呈開窓活畫都眼底

何必玻璃更藉明

寺踞中盤登此千巖萬壑俱在眼底地方官於窓牖間飾以玻璃意在點綴而反失天然之趣

綴而反失天然之趣

上松中石下為水

見四正山居志

得一簫三可捨茲俯仰觀惟

平等視忘觀乃更適天隨

窈而深復繚而曲梵者居如隱者宮却屬南陽非屬北

賣葦亭元致疑中

向讀韓愈送李愿歸盤谷序疑即此

言草戶身至美

田盤地與其詩所云燕川方口似亦

欽定四庫全書

新製詩五集

卷四十六

十九

相合舊時詩文遂假借用之嗣命豫撫阿思哈訪查據
舊祠碑記以李愿所居實在濟源因作濟源盤谷考證
按韓愈乃南陽人與濟源近在一方且其詩有昔尋李
愿向盤谷之句則盤谷為愈親至之地而予向作考證
益可無疑矣

方丈窓中萬景披隨宜吟不費艱思言旋佳處戒留戀
扈蹕人宜待久時

少林寺

中盤向北為少林展轉之間即殊觀鎖徑薜蘿闢巖扉
拂帽松柏謾濤棧梵宮數典嵩之陽憶我庚午曾伴吳

爾來三十有餘年，瞥眼何殊今。昨換壁詩丁未重一看。

緼念民艱，曾浩嘆。

乙巳豫省被旱成災，至丙午秋幸獲有收，是以丁未春來此，因有前年被

旱苦昨歲登秋續之句

未申之秋，幸屢收。茲來遙慶豫民宴，曰憂

曰慰紛。吾衷調御堂堂坐而案。

望上方寺未至寄題二絕句

半天雲罩已弗登，其下上方猶上層。

於中盤望之則猶上層也

立字

安名那有定，問誰為所問。誰能

竺菴舊識隱，差我興到何殊。梯几哦設向高峯，徵到點

笑斯拈韻又為多

再題千尺雪

北門出入每經過

近山莊西北門

臨水樸齋憩便多攜至泉聲

聽未止

田盤東北諸溪之水皆匯於千尺雪流入山莊茲遊山回至此沿徑泉聲猶覺在耳而齋前雪

浪復與目謀矣

落米雪色看隨拖礮斫激溜原成瀑拊拂平流

亦作波斟酌剛柔歸靜悟於斯寧渠

去聲

助清哦

題清音齋

試云何處稱

去聲

清音應在松濤泉韻尋勝彼竹絲徒悅

耳宜茲朝夕可娛心相依盤谷最為古詎曰田疇不至
今置却古今言理境擬聲寂後靜中斟

澹懷堂

有身則有心有心懷必有性近習相遠心

性也

懷

習也

視茲

否禮義養為悅芻豢欲斯醜權其遠近間要在澹以守

諸葛云明志

謂澹泊以明志

誠為見道紐

擷翠樓口號

巖樓拾級八窓披林態峯姿莫遁奇設使非停六日蹕

四山佳翠擷教誰

石林精舍用丁未韻戲成倒勾體

石具耿介性林足生動趣一靜

謂石

與一動

謂林

相得為常

住動復歸有靜名言良可悟今朝風日佳適值簡機務
林石任天然詎勞人署部雲去礪戶開雲來岩舍護於
其開護間散步遵熟路

題鄒一桂杏花用乙巳韻

花在窓前畫室中為同為異理堪窮小山識得便宜處

一例芳葩不落風

池上居

難為渟乃易為瀉易得瀑成難得池疊石層層堰其尾
不惟一也且三之

俯欄真是暢清娛魚躍鳶飛上下俱宜是東峯孤月印
三潭不異對西湖

雖云夜月印潭佳却未清宵一對齋秉燭設如耽玩景
周書無逸涉忘懷

清諧堂題句

清近明兮諧近歡坐堂思義永心官事經閱久逢人畏
詩到題多著句難諧學八音悅耳正清當四目闢門寬
設云佳景庭前會却是斯之未敢安

琴峽亭

石上泉流偶會斯安名立字遂琴之嶸嶸者及溲淚者
那較知音與不知

宴坐齋中成詠

初到暮春似仲春陰寒花事一無有小駐六朝如廿朝
回暖棉輕換皮厚柏蒼松翠固無改紅者杏桃綠者柳
予之喜者寧在茲麥發於阡禾種畝然而喜中恒帶愁
愁盼歲西軍驛糾歲固雪區西更大長夏弗消冬益富

叶

昨年臺報至秋末原稱廓爾喀賊走

上年夏間駐藏大臣慶麟等奏

報有廓爾喀部落侵擾後歲西邊之事因為之撥兵籌餉命鄂輝成德巴忠等駐往辦理至九月中自山莊迴蹕至御園日即據慶麟等奏稱賊人聞大兵將至已釋圍紛紛竄遁因屢行傳諭不可以賊退即行撤兵若賊人聞我兵已迴復潛出滋擾成何事體必當示以兵威使知畏懼或傳喚伊頭目前來嚴飭立定疆界不敢再

犯方為得體嗣鄂輝等先後到彼節次據奏賊匪本可
立即殲除總因天氣甚寒雪山阻隔現在大兵由第哩
浪古迄北山下覓有小路水雪稍薄之處先用牛隻蹣
過跟蹤步行攀援前進正月十三日已齊抵宗喀地方
聞賊衆等現在聶拉木界所俟官兵到彼尚有乞求申
訴情事自當相機恩威並用以期迅速藏事等語計此
時早應辦竣何以尚未奏到半年
以來朝夕盼望郵章為之弗置

自茲朝盼及暮詢展

轉遂至半年久安南之事則已定黷武有戒弗窮究

叶

佳山水間富麗春慙愧居心祛物誘

雨花室庭梅四絕句

初到庭梅蓓蕾微五朝暖烘作花菲
盧龍不賣田疇者

何解迎人送客歸

將以後
日旋蹕

清高乍見向南枝不藉人工巧護持

以盆梅植庭中茲
已成樹花頗繁茂

不藉人力棚架遮護自能發生
信造物生生之理本乎自然也

數典設如稱梵帙此誠

天女散來時

山中高士品真稱

去聲

林下美人語涉纖我自偶然相值

耳謾尋章句詡蘼鹽

來時本欲無言去何意相看冰雪姿丁未庾斯長卷在

可能餘幅罷書之

題董誥梅杏寫生

杏花開日梅花落此是南方例則然北地一籌較勝者
梅英杏朶門齊妍

雨花室據深谷向陽庭植梅株竟與杏花同時開放
向駐田盤曾命董誥圖之茲復對花題句

東竺菴

天竺本西方胡乃東亦有斯菴具斯名由來亦已久處
據山之阿有泉繞左右盤以松占勝而此乃以柳柳徑

度幾曲蓮宇棲平畝向陽地氣潤花木無不茂叶山僧
善種植以博遊客走慈柏與古杏曾屢拈吟手相逢一
顰然晤此無言友

題東竺菴慈柏

松以千年稱柏以萬年號

柏久於松見羣芳譜

是柏久於松禹植

古曾耀

見類函山川紀異

茲則以慈名古也重兼少鬱葱羣枝

擢盤屈一本抱

叶

偶撫米芾帖甲松乙柏誚凌霄不自

立柏見吐子效柏豈有是哉顛語真堪笑

每愛芾字而薄其詩謂之顛語至末句更云青松本
無華安得保歲寒則更不知何謂張照頻臨此帖何
未致一語耶

雲淨寺

山寺白雲中寺淨雲亦淨舒卷任以天隱現隨其性恰
如懸兩鏡光光自相映尋寺披雲闕倩雲封寺徑雲寺
各不知而以成吾詠

含遠樓有會

巖樓出樹高含遠名實美拾級開八窓萬景延戶裏近
弗遁厥形遠莫藏其委騁目固怡情會心別有旨舊宇
概九州新疆闢萬里是胥方寸舍其遠更孰比民之衣
食計地之安宴理籌之以旰宵憂之無終始五字詠樓
中在彼不在此

霞標亭

凡據山之高即可云霞標數典避暑莊

避暑山莊內有
景曰霞標

皇祖所題額也每
年駐蹕必有吟詠

非殊亦豈遙彼吟昔難數

上聲

此詠惟

今朝咄哉忽自笑拘墟意失超

農樂軒

水向南流漸就平開塍引水課耘耕幾間茅舍稱農樂
農樂情形那易呈

手胼背曝常懷苦率土屢綏方愜心以此憂多樂恒少
瞻題七字愧成吟

漱瓊軒

盤谷富於泉處處有流水激石必成聲聲色隨喻擬是

處曰漱瓊一字兼兩美瓊色潔鮮方瓊聲清莫比既宜耳之聆復愜目之視子荆雖誤言其實善會此

受宜居

受宜詎為

去聲

已身宜政理物情恒念之一有弗宜是孰

咎兢兢敢懈日孜孜

度大嶺四絕句

前朝策馬花無信六日暄催花簇芳比似姑蘇香雪海

姑蘇鄧尉山一名香雪海六度南巡無不題句已丑過此嶺時杏花正放有鄧尉香雪難相傲之句昨十三日

策馬過嶺時花尚含蕾駐蹕六日氣甚暄暖今日旋蹕
度嶺則萬花齊放色已爛漫宛然如香雪海風景也

憑輿那辨送來香

六日暄晴一夜陰盤中花事備搜吟甫過嶺即霰霰作
感謝山靈迎送心

初霏佳霽旋成雪曰慰曰虞難置情

早間初霏細雨旋
即成雪方喜霰霰

便霑又恐氣寒致凍有礙新
出麥苗一時慰虞為之交集

自識籌農無定慮當春豈

忽望時晴

高原塵淨低隰潯為念長塗苦旅人復憶利農此何礙

脩除兵役賞教均

今春膏澤本渥茲又得雨雪低處未免泥濘雖塗間行李衆人或致濡濕

而究與農田有裨不嫌過多因降旨賞給崩上修道兵夫銀二百兩其嶺下修道兵丁令劉我查明每名賞銀

二兩以

示恩卹

順義縣行宮遣愁六韻

往來十二朝瞥眼訝晨宵遍野麥青隴圍牆柳綠條不

嫌雨致寧况喜雪全消

途中泥濘此行程所恒有無足介意况天已開霽積雪全消其

不凍可知矣

慰懼意鮮定耕桑念切焦逢人頻致問後語恐

猶饒

今日城中王大臣等迎蹕名見時詢以麥田究竟是否有碍均稱春澤優霑雖雨中帶雪並不致凍

欽定四庫全書

卷四十六

實無妨碍然恐欲慰予縫念故為此語
仍不免退有後言此為君之所以難也

五字遣愁寫愁

多實自招

御園即事

遊盤雨雪遇迴途

月之十二日自田盤迴蹕適遇雨雪途中間有泥濘之處

旅役潦

艱塵念俱歷攬原田誠慰慶言旋家室衆歡娛

適日天暖隨行

衆役早已至家亦忘其跋涉苦矣

陡思塞外凍或有並閱奏來礙並無

昨因雨雪漸寒風自北來恐張家口外風雪或大蒙古語所謂輸爾寒漢語譯即春雪風凍寂碍牲畜因命馳詢宣化都統烏爾圖那遜等茲據奏張家口內地氣寒涼本無秋麥大田尚未普種春令得此雨雪浸潤實屬

有益無損且隨下隨消口外牲畜不致寒凍而青草
易於發生於畜牧尚有裨益等語覽奏為之稍慰

中

外萬民方寸裏春園那得暢觀吾

山東巡撫長麟河南巡撫梁肯堂各報得雨詩以

誌慰

季春之廿蹕迴盤值雨微嫌行路難山左河南同日霈

省城各郡萬民歡

二月中旬京畿得雪先後據長麟梁肯堂奏報山東河南二省亦同日各

得雨一二三四寸不等茲又據長麟奏東省地方自二月得雨三次迄今兩旬有餘土脉尚潤正當播種穀子棉花之際尤須雨澤今濟南省城於三月二十日自未至亥得雨四寸並據各府州屬稟報是日得雨三四五

寸不等又據梁肯堂奏稱開封省城於三月二十日得雨五寸其歸德彰德衛輝懷慶河南南陽汝寧陳州許州汝州陝州等屬稟報亦均於是日

所嫌者小
迴蹕行

程不過兩日途中雖遇雨雪畧致泥濘今扈從人衆到家久忘跋涉之累是所嫌者甚小也

所歡衆

豫東二省距京千里而遙乃與京畿同日渥霑膏澤大雲善被農慶同占尤堪欣慰是所歡者實迥逾於所嫌也

益慶何脩益不安昨並甘涼知被雪

昨署陝甘總督巴延三奏蘭州

鞏昌平涼慶陽甘州涼州各府屬及秦階涇肅安西各州屬稟報於二月十一二及十八九至二十八九三月

初五等日各得雪自一二寸至四五寸不等時屆春融雪消土潤於耕種甚為有益等語仰荷

鴻施有加

無已惟倍深兢惕不敢稍自放心耳
惟欽保泰敢心寬

詠白玉如意

俗樣都教剗削之本來玉貌淨真披鄙哉厚薄為貴賤

賈誼新書載陶朱公語家有白璧二其色相如其徑相
如其澤相如然其價不相如一者千金一者五百金何
則側而視之其一者厚倍之是以千金云云今之玉工
泥於此語以厚者可得倍價往往不去瑕玷惟取其質
厚製為俗樣以牟重利真可鄙笑因命加剗信矣樸渾
剗俾完良材真面斯亦寓返樸還淳之意耳

勝巧奇入目方堪號如意忘言得以引清思設還絜矩
論文體却喜昌黎有正辭

齋中

齋中閒坐忽慚吾政簡心清敢恃乎自審幸而八弊絕

向作古稀說謂前代之弊政有八曰強藩曰外患曰權臣曰外戚曰女謁曰宦寺曰奸臣曰佞倖自審幸皆免

此

那辭仍此一憂俱

嘗謂洪範六極自省幸無其五而不能去其一者曰憂如雨暘水旱

及一切有開國計民生者無不先事為之盼望籌慮蓋此憂不能去亦不敢去詳見上年續洪範作

天高地廣人民衆上敬下安衣食圖祈歲莫嫌歉歲有

一嫌歉歲必致諱災此不可不慎也知難或可大難無

西直門外作

又值

常雩龍見辰還宮齋宿肅心神快晴十日氣和暖迅矣
風光夏代春

昨慮春寒凍麥苗每於報雨慰兼焦茲看綠野芄芄起
餅餌香風庶可要

山西巡撫海寧奏報得雨詩以誌慰

隔日奏來因路遙原為同日沐

恩饒

山東河南兩省均於三月二十日得雨昨初一日奏報到京山西省亦同日得雨因路遠是以奏到

較遲

如斯廣被誠希有況復通霑豈易邀

據山西巡撫海寧奏稱晉

省入春以來雨雪頻霑茲省城地方於三月二十日自
予至午得雨三寸並據通省各府廳州縣具報十九二
十兩日各得雨二三四寸至五六寸及深透不等時交
穀雨得此應候甘膏不但二麥暢發大田亦可乘時播
種民情甚為
歡慶等語
麥固含含吐新穗黍欣續續發初苗農功

南北胥堪慰切盼蔽音祇益焦

今歲不特京畿
澤優霑南北各省亦普

被甘膏農功大有裨益誠堪欣慰惟將軍鄂輝等辦理
廓爾喀軍務計日早應蔽功尚未奏到為之朝夕盼望
殊深焦
悶耳

雩祭齋居疊去歲詩韻

昨歲希雲起茲晨喜旭晶蓋緣膏澤渥足愜耨耕情齋

處諸緣靜依然遠慮生郵章盼

天佑助順釋心忤

將軍鄂輝等辦理廊前喀擾西藏之事以阻雪釋章進至茲又經月餘未

見歲功之奏雖非緊急軍務惟仰冀

吳凱佑順速成釋此忤忤耳

湖北布政使陳淮奏報荊州展賑及雨水情形詩

誌欣幸

去歲荊州水災重始終其事實陳淮

上年六月二十日荆江泛漲冲决隄

滕將荊州西北兩門冲開城中水高一丈七八尺兵民被災甚重時布政使陳淮適自長陽縣查賑迴至該郡設法同將軍紫綬催船分枝救渡並將府倉米石按大小口散給而八旗綠營兵丁亦即運米各借一月口糧

以資接濟馳奏到日即降旨發帑二百萬兩用寬疎忽
鮮往以備工賑之用兵民等幸而不至失所

前之罪更勵承宣後鮮乖茲以賑竣民氣復更加雨足

歲功佳

荊州災後節經降旨撫綏蠲緩今歲新正復將
被災較重之江陵監利二縣展賑兩月公安黃

梅漢川三縣展賑一月茲據陳淮奏稱督同地方官照

正賑章程核明銀數即時給發復親往各縣抽查並詰

問領賑民人俱各相符現屆青黃不接之時小民均需

實惠並稱察看沿途麥苗暢茂菜荳長發詢之農民僉

稱臘雪深至盈尺二月以後雨水暢足及交三月連日

晴霽早麥已經含胎吐穗豐稔可期且塘堰水足可以

及時栽種早禾各屬稟報種價亦俱平減民情極為

寧貼等語災餘元氣漸復覽奏可稍釋南顧之憂矣

畧

舒南望憂憐意曰幸曰欣敬與皆

雩祭禮成述事

今歲

常雩幸澤霑顙惟此後若時占玉為國寶

用國語王孫
國聘於晉言

三成奠樂以

神歆九奏嚴益用屏營希有假敢辭祈稔望無厭受

天永祐殊前古敬畏承餘勗翠謙

池上居

年年池上有詩吟率以農功誌切心較去歲佳先一月

上年春澤雖霑三月半至四月半頗覺乾旱於四月廿
一口親詣黑龍潭虔禱隨獲連朝大雨因有詩誌慰
冬春雨早沾透尚慮或多麥稔
可期是較上年早霑一月矣
幸今春早被甘霖窓前

夏故森松蓋郊外昨看茂麥鉞

昨以
御園見
郊外麥
苗長發

欣
慰

慰裏敢忘悚惕志益謙損滿靜中斟

御製詩五集卷四十六